

ԱԶԴԱՐԱՐ

ՏԵՂԵԿԱՏՈՒ ԱՌԱՋՆՈՐԴԱՐԱՆԻ ՀԱՅՈՑ ՔՈՒՇՅՈՒ ԵՒ ՇՐՋԱԿԱՅԻՑ ՀԱՅՈՑ ԹԵՄԻՆ

P.O.Box: 8157, Salmiyeh 22052- Kuwait. Tel: 965-25614392, Fax: 965-25638312, e-mail: prelacy@armenianprelacykw.org

ՆՈՐ ՇՐՋԱՆ, Թ. Տարի, Թիւ 392, Ուրբաթ, 07 ՅՈՒՆԻՍ, 2017

ՀԱՅԿԱԿԱՆ

Պոլսոյ Պատրիարքի Ընտրութեան Հոլովոյթը Պաշտօնապէս Սկսած Է

«Ակօս» կը հաղորդէ, որ Պոլսոյ հայոց պատրիարքարանին մէջ 4 Յուլիսին գումարուած յատուկ ժողովին հիմամբ կազմուած է նախաձեռնող խումբ մը, որ պէտք է զբաղի պատրիարքական ընտրութեան կազմակերպման աշխատանքներով:

Նախաձեռնող խումբը պիտի ունենայ 22 անդամ: Այդ ընտրութենէն առաջ Պոլսոյ տարբեր թաղամասերուն մէջ պիտի նախապատրաստուին ընտրողներու ցուցակները, եւ պիտի յստակացուի պատուիրակներուն թիւը:

Այսպիսով, Պոլսոյ պատրիարքի ընտրութեան հոլովոյթը պաշտօնապէս սկսած կը նկատուի:

Դաւիթ Բաբայեան. «Հայկական Կողմը Քաղաքացիական Բնակչութեան Վրայ Զի Կրակեր»

Լեռնային Ղարաբաղի եւ Ազրպէյճանի զինուած ուժերու շփման գիծին մէջ իրավիճակը վերահսկելի է: Այդ մասին «Ազատութիւն» ձայնասփիւռի կայանին հետ զրոյցի մը ընթացքին Չորեքշաբթի օր յայտնեց Արցախի Հանրապետութեան նախագահի աշխատակազմի ղեկավարի տեղակալ Դաւիթ Բաբայեան՝ նշելով, որ նոր դէպքեր կը սպասուին, բայց լայնածաւալ պատերազմը քիչ հաւանական կը նկատեն:

Բաբայեան ըսած է, որ Ազրպէյճանի գործողութիւններուն մէջ տրամաբանութիւն չկայ, եւ ասիկա «ահաբեկչական պատերազմ է»:

Անդրադառնալով ազրպէյճանական կողմի այն յայտարարութիւններուն, որ հայկական կողմի կրակոցներէն սպաննուած են ազրպէյճանցի կին եւ երեխայ, Բաբայեան զանոնք սուտ որակեց՝ պնդելով, որ հայկական կողմը քաղաքացիական բնակչութեան վրայ չի կրակեր:



**Տեղի Ունեցածը Կը Հաստատէ Վիեննայի Եւ Ս. Փեթերսպուրկի
Պայմանաւորուածութիւններուն Կարեւորութիւնը**

Լեոնային Ղարաբաղի եւ Ազրայէճանի զինուած ուժերու շփման գիծին մէջ նախանցեալ օր տեղի ունեցածը անգամ մը եւս կը հաստատէ 16 մայիս 2016-ի Վիեննայի եւ 20 Յունիս 2016-ի Ս. Փեթերսպուրկի վեհաժողովներուն ձեռք բերուած պայմանաւորուածութիւններուն կարելորութիւնը: Այս մասին Չորեքշաբթի օր յայտարարած է Արցախի Հանրապետութեան արտաքին գործոց նախարարութիւնը:

Անյապաղ իրագործումը շփման գիծին մէջ իրավիճակի կայունացման միտուած այդ պայմանաւորուածութիւններուն, «որոնք կը հարուածուին Ազրայէճանի կողմէ, թոյլ կու տայ հետագային խուսափիլ նման դէպքերէ», շեշտած է նախարարութիւնը:

«4 Յուլիսին ազրայէճանական կողմը նախաձեռնած է հերթական սադրանքի՝ գնդակոծելով Արցախի Հանրապետութեան տարածքը: 2016-ի ապրիլեան յարձակումէն ետք առաջին անգամ ըլլալով Ազրայէճանի զինուած ուժերը կիրարկած են «ԹՌ-107» տիպի համազարկային հրթիռային համակարգեր: Գնդակոծումը կատարուած է Ալխանլու գիւղի տարածքին վրայ՝ անմիջապէս բնակելի տուներու մերձակայքը տեղակայուած կրակակէտերէ: Արցախի պաշտպանութեան բանակը ստիպուած էր պատասխան միջոցներու ձեռնարկել՝ ճնշելու ազրայէճանական բանակի կրակային յարձակումները: Ազրայէճանական կողմի սադրած դէպքին պատճառով, դժբախտաբար, գիւղի բնակիչներուն մէջ կան տուժածներ», ըսուած է յայտարարութեան մէջ:

«Մենք բազմիցս, տակաւին ապրիլեան պատերազմի օրերուն, մատնանշած ենք այն փաստը, որ ազրայէճանական կողմը, խախտելով միջազգային մարդասիրական իրաւունքի բոլոր չափանիշները, չի վարանիր օգտագործելու իր իսկ քաղաքացիական բնակչութիւնը իբրեւ կենդանի վահան՝ Արցախի տարածքը գնդակոծելու նպատակով: Սահմանի երկու կողմերուն մէջ ապրող խաղաղ բնակչութիւնը գերի դարձած է ազրայէճանական իշխանութիւններու քաղաքականութեան՝ Արցախի եւ Ազրայէճանի զինուած ուժերու շփման գիծին մէջ լարուածութեան սրման եւ բանակցութիւններու վերականգնման ուղղուած միջնորդներու ջանքերու տապալման», յայտարարած է Լեոնային Ղարաբաղի արտաքին գործոց նախարարութիւնը:

Նալբանդեան Հեռաձայնային Հաղորդակցութիւն Ունեցած Է ԵԱՀԿ-ի Մինսքի Խմբակի Համանախագահներուն Եւ Անճէյ Քասպրչիքի Հետ

Հայաստանի Հանրապետութեան արտաքին գործոց նախարար Էդուարդ Նալբանդեան ԵԱՀԿ-ի Մինսքի Խմբակի համանախագահներուն եւ ԵԱՀԿ-ի գործող նախագահի անձնական ներկայացուցիչ Անճէյ Քասպրչիքի հետ ունեցած է հեռաձայնային հաղորդակցութիւն, որուն ընթացքին խօսած է 4 Յուլիսին Լեոնային Ղարաբաղի սահմանագիծին վրայ Ազրայէճանի ձեռնարկած սադրանքին եւ ստոր հետեւանքներուն մասին: Այս մասին յայտնած է Հայաստանի արտաքին գործոց նախարարութեան բանբեր Տիգրան Բալայեան:

«Արտաքին գործոց նախարար Նալբանդեան ԵԱՀԿ-ի Մինսքի Խմբակի համանախագահներուն եւ Քասպրչիքի հետ ունեցած հեռաձայնային հաղորդակցութեան ընթացքին ներկայացուցած է Ազրայէճանի սադրանքին հետեւանքները», յայտնած է ան:

Արցախի Նախագահական Ընտրություն. Դաշնակցության Թեկնածուն Բակո Սահակեանն Է



Դաշնակցությունը պիտի պաշտպանէ Բակո Սահակեանի թեկնածությունը: Այս մասին յայտարարած է ՀՅԴ Արցախի Կեդրոնական կոմիտէի ներկայացուցիչ Դաւիթ Իշխանեան:

«Անցեալ շաբթուան ընթացքին ՀՅԴ Արցախի կառոյցին մէջ բաւական խոր եւ բազմաբնոյթ քննարկումներ տեղի ունեցած են: Քննարկումները եղած են իրական եւ կառուցողական: Ի դէպ, միանշանակ չէր Դաշնակցութեան մէջ տիրող մթնոլորտը Արցախի Հանրապետութեան նախագահի

թեկնածութեան շուրջ: Ինչպէս միշտ Դաշնակցութիւնը առաջնորդուած է մեծամասնութեան կարծիքով, եւ մեր վերջնական որոշումը Բակո Սահակեանի թեկնածութեան առաջադրումն է», պարզաբանեց Դաւիթ Իշխանեան եւ աւելցուց, որ վերջին երկու նախագահական ընտրութիւններուն՝ 2007-ին եւ 2012-ին ՀՅԴ Արցախի կառոյցը պաշտպանած է Բակո Սահակեանի թեկնածութիւնը: Թէ՛ 2007-ին, եւ թէ՛ 2012-ին հրապարակուած են այն սկզբունքները, որոնց հիման վրայ նման որոշումներ տրուած են, հետեւաբար տրամաբանական է, որ անցումային փուլին եւս նոյն ընթացքը շարունակուի:

«Ընդհանրապէս անցումային փուլի նախագահը կ'ըլլայ կա՛մ գործող եւ իր ժամանակաշրջանը աւարտող նախագահ, որ կը շարունակէ իր տրամաբանական աւարտին հասցնելու որդեգրուած քաղաքականութիւնը, կա՛մ ալ այն թեկնածուն, որ նախապատրաստուած է ապագային պաշտօնավարել իբրեւ համաժողովրդական ընտրութեամբ ընտրուած նախագահ: Այդ առումով աւելի տրամաբանական է Բակո Սահակեանի թեկնածութիւնը առաջադրել եւ յառաջիկայ երկուքուկէս տարիներուն անոր վստահիլ երկրի նախագահի պարտականութիւնները: Յատկապէս նկատի պէտք է ունենալ այն հանգամանքը, որ գործող նախագահի պաշտօնավարութեան վերջին շրջանին սահմանադրական փոփոխութիւններ կատարուած են: Թէ՛ ԼՀԴ-ն դէմ եղած է նոր սահմանադրութեան, սակայն անիկա իրողութիւն է եւ անոր լիարժէք կիրարկումը եւ օրէնսդրական դաշտի համապատասխանեցումը, այսինքն՝ անցումային դրոյթներու իրականացումը, կը մնայ այն իշխանութեան վրայ, որուն օրերուն ընդունուած է», աւելցուց Դաւիթ Իշխանեան:

Պատասխանելով այն հարցումին, թէ կան կարծիքներ, որ Բակո Սահակեանը առաջադրուելով պիտի շարունակէ պաշտօնավարել նաեւ 2020-էն ետք, ՀՅԴ Արցախի Կեդրոնական կոմիտէի ներկայացուցիչը շեշտեց, որ Դաշնակցութեան համար կարեւոր են ժողովրդավարական սկզբունքները եւ անոնցմով առաջնորդուիլը: Իսկ 2020-ի եւ անոր յաջորդող ժամանակահատուածի նախագահի ընտրութեան հարցը պէտք է դիտարկել ժողովրդավարական սկզբունքներու շրջագիծին մէջ եւ բոլոր քայլերը կատարել այդ դիտանկիւնէն: «Մենք յոյս ունինք, որ 2020-ին այդ մտայնութեամբ կ'առաջնորդուին նաեւ միւս քաղաքական ուժերը, ինչպէս նաեւ այն թեկնածուները, որոնք կրնան ըլլալ այս կամ այն քաղաքական ուժի թեկնածուն», եզրափակեց Դաւիթ Իշխանեան:

Ըստ Հայաստանի Մէջ Լեհաստանի Դեսպանին. «Եւրոպական Միութեան Դռները Բաց Են Հայաստանի Առջեւ»

Եւրոպական Միութիւնը պատրաստ է Հայաստանի հետ Համապարփակ եւ ընդլայնուած գործընկերութեան համաձայնագիրի ստորագրման: Լրագրողներու հետ զրոյցի մը ընթացքին այս մասին ըսաւ Հայաստանի Հանրապետութեան մէջ Լեհաստանի արտակարգ եւ լիազօր դեսպան Եժի Նովաքովսքի:

«Մենք պատրաստ ենք համաձայնագիրի ստորագրման: Մեր դռները բաց են Հայաստանի առջեւ: Մենք կը սպասենք համաձայնագիրի ստորագրման եւ, ինչպէս ըսած է Հայաստանի մէջ Եւրոպական Միութեան պատուիրակութեան ղեկավար Փիոթր Սվիթալսքին, մենք հայ գործընկերներու կողմէ յստակ քայլեր կ'ակնկալենք: Մենք ոչ թէ խոստումներ, այլ յստակ քայլեր կ'ակնկալենք», «Արմէնփրես»-ի փոխանցումով՝ ընդգծած է Նովաքովսքի:

Պատասխանելով այն հարցումին, թէ ի՞նչ պիտի ըլլայ, եթէ համաձայնագիրը չստորագրուի, դեսպանը ըսաւ. «Վստահաբար, մենք պիտի շարունակենք Հայաստանի հետ երկխօսութիւնը, սակայն երկխօսութեան տարբեր եղանակներ կան: Կայ բարեկամական երկխօսութիւն, սովորական երկխօսութիւն, պաղ երկխօսութիւն: Մենք հայ-եւրոպական լուրջ երկխօսութեան շատ մեծ յոյսեր ունինք: Ատիկա կախեալ է երկու կողմերէն՝ ներառեալ մեր համաձայնութիւններու լիակատար իրականացումը»:

ՀԱՄԱ-Հ.Մ.Ը.Մ.ԱԿԱՆ 10-րդ ՄԱՐԶԱԽԱՂԵՐՈՒ ԿԱԶՄԱԿԵՐՊՊՄԱՆ ՄԻԶ-ՆԱԽԱՐԱՐԱԿԱՆ ՅԱՆՁՆԱԽՈՒՄԲԻ ԿԱԶՄՈՒԹԻՒՆ



12 Յունիսին, Հայաստանի Հանրապետութեան Սփիւռքի նախարար Հրանտշ Յակոբեանի գլխաւորութեամբ տեղի ունեցաւ համա-Հ.Մ.Ը.Մ.ական 10-րդ մարզախաղերու կազմակերպման միջ-նախարարական յանձնախումբին նիստը, որուն մասնակցեցան Հ.Մ.Ը.Մ.-Հ.Մ.Ա.Կ.ի Հայաստանի վարչութեան ատենապետ եղբ. Դաւիթ Յակոբեան, Հայաստանի կրթութեան եւ գիտութեան նախարարութեան աշխատակազմի մարզառագմական եւ արտաուսումնական դաստիարակութեան վարչութեան պետ Արկադի Պետրոսեան, մարմնակրթութեան եւ երիտասարդութեան հարցերու նախարարութեան աշխատակազմի մարմնակրթութեան բարձրագոյն նուաճումներու քաղաքականութեան վարչութեան հասարակական կազմակերպութիւններու հետ

համագործակցութեան բաժինի պետ Լեովա Վարդանեան, Երեւանի քաղաքապետարանի աշխատակազմի մարմնակրթութեան եւ երիտասարդութեան հարցերու բաժինի պետ Եուրի Մամիկոնեան, Հայաստանի կառավարութեան առընթեր Հայաստանի ոստիկանութեան հասարակական կարգի ապահովման վարչութեան արտաքին ծառայութեան բաժինի պետի տեղակալ Գուրգէն Աբրահամեան, մշակոյթի նախարարութեան աշխատակազմի մշակութային ծրագիրներու եւ դիտարկումի վարչութեան գլխաւոր մասնագէտ Ռուզաննա Դլէչեան,

առողջապահության նախարարության աշխատակազմի բժշկական օգնության քաղաքականության վարչության արտահիւանդանոցային բժշկական օգնության քաղաքականության բաժինի գլխավոր մասնագետ Նորա Փահլեվանեան:

Նիստին ընթացքին, Սփիւռքի նախարար Հրանոյշ Յակոբեան կարելուք նկատեց համա-Հ.Մ.Ը.Մ.ական 10-րդ մարզախաղերու իրականացումը, որուն պատշաճօրէն կազմակերպման համար ստեղծուած է միջ-նախարարական յանձնախումբ, նշեց ան: Նախարարը յայտնեց, որ 2018-ին Հ.Մ.Ը.Մ.ը պիտի նշէ իր հիմնադրութեան 100-ամեակը, ինչ որ Հայաստան-Սփիւռք գործակցութեան շրջագիծին մէջ մեծ իրադարձութիւն է: Հ.Մ.Ը.Մ.ի 100-ամեակի տօնակատարութիւնները պիտի սկսին համա-Հ.Մ.Ը.Մ.ական 10-րդ մարզախաղերով: Հ.Մ.Ը.Մ.-Հ.Ա.Ս.Կ.ի վարչութեան ատենապետ եղբ. Դաւիթ Յակոբեան նշեց, որ համա-Հ.Մ.Ը.Մ.ական այս հանդիպումները սոսկ մարզական մրցումներ չեն, այլ՝ հայրենասիրութեան եւ հայրենաճանաչութեան տօնահանդէս:

Բոլոր նախարարութիւններու ներկայացուցիչներուն հետ ճշդուեցան մարզախաղերու կազմակերպական եւ աշխատանքային հարցերը:

«Եթէ Հայաստան Կ'ուզէ Բարեկարգել Անվտանգութեան Իր Համակարգը, Պէտք Է Համագործակցի ՕԹԱՆ-ի Հետ» Կ'ըսէ Պուկլիսի

Երեւանի մէջ կազմակերպուած «ՕԹԱՆ-ը Վարչաւայէն Պրիքսէլ. անվտանգութեան մարզի բարեփոխումները Հայաստանի մէջ» նիւթով քննարկման ընթացքին Վրաստանի մէջ ՕԹԱՆ-ի գրասենեակի ղեկավարի տեղակալ Ռոզարիա Պուկլիսի յայտնած է. «Հայաստանի եւ ՕԹԱՆ-ի միջեւ բարեկամական յարաբերութիւններու զարգացումը կը շարունակուի, եւ եթէ Հայաստան կ'ուզէ բարեկարգել իր անվտանգութեան համակարգը, պէտք է համագործակցի ՕԹԱՆ-ի հետ»:



«ՕԹԱՆ-ի ընդհանուր քարտուղարի յատուկ ներկայացուցիչ Ճէյմս Ափաթուրայ շեշտած է, որ մեր յարաբերութիւններուն մէջ անակնկալներ չկան, Հայաստանը վստահելի է ՕԹԱՆ-ի համար», յիշեցուց ան՝ մատնանշելով, որ հայ խաղաղապահները Աֆղանիստանի եւ Քոսովոյի մէջ կը մասնակցին խաղաղապահ առաքելութեան: Ան նշեց, որ իրենք կը գնահատեն ատիկա: «Փոքր երկրի մը համար ատիկա դիրքին չէ», նշեց ան:

Պուկլիսի նաեւ նշեց, որ Հայաստան «եզակի պարագայ է», «արտակարգ երկիր», որովհետեւ Հաւաքական անվտանգութեան պայմանագրի կազմակերպութեան (ՀԱՊԿ) անդամ ըլլալով՝ սերտօրէն կը համագործակցի ՕԹԱՆ-ի հետ:

«Այստեղ հակասութիւններ չկան», ըսաւ ան՝ նշելով, թէ իրենք կը հասկնան, որ թէ՛ ՀԱՊԿ-ի անդամակցութիւնը, թէ՛ ՕԹԱՆ-ի հետ համագործակցութիւնը կարելուք են Հայաստանի համար: Մակայն, ըստ անոր, եթէ Հայաստան կ'ուզէ բարեկարգել իր անվտանգութեան համակարգը, պէտք է համագործակցի ՕԹԱՆ-ի հետ:

ՄԻՋԱԶԳԱՅԻՆ

Քաթարի Ղեմ Որդեգրուած Միջոցառումները Պիտի Շարունակուին

Արաբական Չորս Երկիրները Կը Շեշտեն, Որ Աչք Պիտի Չփակեն «Քաթարի Խափանարարական Դերակատարութեան» Նկատմամբ

Քաթարի հետ իրենց յարաբերութիւնները խզած արաբական չորս պետութիւնները յայտարարեցին, որ այլեւս կարելի չէ աչք փակել Քաթարի խափանարարական դերակատարութեան նկատմամբ՝ շեշտելով, որ Տոհայի կողմէ ահաբեկչութեան աջակցութեան եւ այլ պետութեանց ներքին հարցերուն միջամտութեան դադրեցումը կարելի չէ յետաձգել:



Սեուտական Արաբիոյ, Եգիպտոսի, Արաբական Միացեալ Էմիրութիւններու եւ Պահրէյնի արտաքին գործոց նախարարները Գահիրէի մէջ իրենց ժողովի աւարտին յայտնեցին, որ իրենց պահանջներուն Քաթարի տուած պատասխանը «ցոյց կու տայ, որ Տոհա կացութեան լրջութիւնը չ'ընկալեր»: Անոնք շնորհակալութիւն յայտնեցին Քուէյթի իշխանին՝ անոր թափած ջանքերուն համար, եւ ցաւ յայտնեցին Տոհայի տուած պատասխանին համար: Անոնք համաձայնութիւն գոյացուցին կացութեան հետեւելու եւ իրենց յաջորդ ժողովը գումարելու Պահրէյնի մայրաքաղաք Մանամայի մէջ:

Եգիպտոսի արտաքին գործոց նախարար Սամեհ Շուքրի ժողովէն ետք չորս պետութիւններու արտաքին գործոց նախարարներու միացեալ մամլոյ ասուլիսին ընթացքին յայտնեց, որ քննարկած են «Քաթարի ժխտական պատասխանին» բոլոր կողմերը՝ նշելով, որ այդ պատասխանը սնամեջ է: Ան աւելցուց, որ իր երկիրը պիտի չտատամսի դէմ դնելու ահաբեկչական կազմակերպութիւններուն եւ բոլոր անոնց, որոնք այդ կազմակերպութիւններուն կ'աջակցին, եւ անհրաժեշտ է այդ պայքարին մէջ ըլլալ վճռական:

Սեուտական Արաբիոյ արտաքին գործոց նախարար Ատել ժուպէյր յայտնեց, որ Քաթարի դէմ որդեգրուած միջոցառումները պիտի շարունակուին, մինչեւ որ վերջինս փոխէ իր քաղաքականութիւնը, «եւ ապագայ միջոցառումներուն շուրջ կը խորհրդակցինք»: Խօսելով Թուրքիոյ մասին՝ սեուտական դիւանագիտութեան պետը յոյս յայտնեց, որ այդ երկիրը չէզոք մնայ:

Միւս կողմէ, Միացեալ Նահանգներու նախագահ Տանըլտ Թրամփ Չորեքշաբթի օր հեռաձայնային հաղորդակցութիւն մը ունեցաւ Եգիպտոսի նախագահ Ապտել Ֆաթթահ Միսիի հետ եւ քաթարեան տազնապին առնչակից բոլոր կողմերուն կոչ ուղղեց՝ ներկայ կացութեան լուծման համար շինիչ բանակցութիւններ կատարելու:

Սպիտակ տունը հաղորդեց, որ Թրամփ շեշտած է, թէ բոլոր երկիրները պետք է տէր կանգնին Ռիատի վեհաժողովին մէջ իրենց ստանձնած «ահաբեկչութեան ֆինանսաւորումը դադրեցնելու եւ ծայրայեղական գաղափարախօսութեան հիմերը հարուածելու» յանձնառութիւններուն: Թրամփ իր գրոյցին ընթացքին երկրորդ անգամ շեշտած է, որ երկիրները պետք է դադրեցնեն ահաբեկչութեան ֆինանսաւորումը:

Եգիպտոսի նախագահական պալատը հաղորդագրություն մը հրապարակելով իր կարգին յայտնեց, որ Միսի Թրամփի հետ քննարկած է «Քաթարի նկատմամբ Եգիպտոսի ու Օոցի երկիրներուն կեցուածքը» եւ շեշտած ահաբեկչութեան դէմ դնելու, անոր ֆինանսատրուսը դադրեցնելու եւ ահաբեկչական գաղափարախօսութեան հիմերը հարուածելու ջանքերը շարունակելու կարեւորութիւնը:

ՏԱՀԵՇ Իրաքի Մէջ 200 Թուրքմեններ Մահապատիժի Կ'ենթարկէ



Նինուէի փոխնահանգապետ Նուրէտտին Քապալան յայտարարեց, որ ՏԱՀԵՇ Իրաքի Մինճար քաղաքի արեւմուտքը գտնուող Թելաֆըր գաւառին մէջ մահապատիժի ենթարկած է 200 թուրքմեններ, որոնք շուրջ ամիսէ մը ի վեր իր մօտ կը պահէր իբրեւ պատանդ:

Քապալան յայտնեց, որ թուրքմենները մահապատիժի ենթարկուած են դէպի ապահով վայր փախչիլ փորձելուն

համար՝ աւելցնելով, որ զոհերուն շարքին են կիներ եւ մանուկներ: Անոնք ամբաստանուած են «խալիֆայութեան հողերը» լքելուն համար:

Տեղական այլ աղբիւրներ նախապէս հաղորդած էին, որ ՏԱՀԵՇ-ի ոչ արաբ անդամները մահապատիժի ենթարկած են Թելաֆըրի մէջ ՏԱՀԵՇ-ի տեղացի վերջին ղեկավարը եւ ահաբեկչական խմբաւորումը ամբողջութեամբ առած իրենց վերահսկողութեան տակ:

Փիոնկիանկ. «Մեր Փորձարկած Հրթիռը Կրնայ Հիւլէական Մարտագլխիկ Կրել»



Հիւսիսային Քորէայի պետական լրատու գործակալութիւնը հաղորդեց, որ միջցամաքամասային հեռահար հրթիռը, որուն փորձարկումը միջազգային համատարած դատապարտումի արժանացած էր, կրնայ հիւլէական մեծ եւ ծանր մարտագլխիկ կրել:

Երկրի ղեկավար Քիմ Եունկ Ուն յայտնեց, որ հրթիռային վերջին փորձարկումը, որ առաջին անգամ ըլլալով միջցամաքամասային բացայայտ փորձարկում մըն էր, Միացեալ Նահանգներու հետ ճակատումին իր վերջին փուլը մուտք գործելուն ցուցանիշն է:

Ուն յայտնեց, որ հրթիռի «յաջող եւ աննախադէպ» փորձարկումը «իրենց անկախութեան տօնին առիթով ապօրինի զուակ ամերիկացիներուն նուէր մըն է»:

Ան յայտնեց, որ ամերիկացիները շատ պիտի չուրախանան այս նուէրով՝ աւելցնելով. «Անոնց մերթ ընդ մերթ պէտք է նուէրներ ուղարկենք, որպէսզի չձանձրանան»:

Թուրքիոյ Քեմալական Կուսակցութիւնը Հանրաքուէի Արդիւնքին Հարցով Կը Դիմէ Սարդկային Իրաւանց Եւրոպական Դատարան

Թուրքիոյ ընդդիմադիր Հանրապետական ժողովուրդի կուսակցութիւնը Թուրքիոյ մէջ 16 ապրիլին տեղի ունեցած սահմանադրական հանրաքուէի արդիւնքի բողոքարկման հարցով դիմեց Սարդկային իրաւանց եւրոպական դատարան (ՄԻԵԴ):

Թրքական «Ճումհուրիյէթ» օրաթերթը կը հաղորդէ, որ կուսակցութեան ղեկավար Քեմալ Քըլըճտարօղլու «Արդարութեան երթ»-ի 20-րդ օրը մամլոյ ասուլիսի մը ընթացքին ստորագրած է ՄԻԵԴ-ին ներկայացուելիք դիմումը:

«Թուրքիոյ Ընտրական բարձրագոյն յանձնախումբի որոշումին պատճառով հանրաքուէն անօրինական դարձաւ: Կը դիմենք Սարդկային իրաւանց եւրոպական դատարան: Մեր դիմումը պատրաստ է: Անիկա ճիշդ այսօր պիտի ուղարկուի եւրոպական դատարան», ըսած է Քըլըճտարօղլու եւ ստորագրած է դիմումը:

Թուրքիոյ մէջ 16 ապրիլին տեղի ունեցած սահմանադրական հանրաքուէին յաղթանակ արձանագրած էր «այո»-ն, որ ապահոված է ձայներուն 51,41 առ հարիւրը, իսկ «ոչ»-ը՝ 48,59 առ հարիւրը:

Թուրքիոյ քեմալական Հանրապետական ժողովուրդի կուսակցութիւնը յայտարարած էր Սահմանադրական դատարան, ապա Սարդկային իրաւանց եւրոպական դատարան դիմելու իր մտադրութեան մասին:

Ըստ ՄԱԿ-ի Մէկ Չեկուցումին. Թուրքիոյ Բնակչութիւնը 2058-Էն Սկսեալ Պիտի Նուազի

Թրքական «Կազեթէտուվար» կայքը կը հաղորդէ, որ ըստ աշխարհի բնակչութեան մասին ՄԱԿ-ի նոր զեկուցումին, Թուրքիոյ բնակչութիւնը նուազումի միտում ունի 2058-էն սկսեալ:



Նշենք, որ Թուրքիոյ բնակչութիւնը 31 դեկտեմբեր 2016-ի տուեալներով կազմած է 79 միլիոն 814 հազար 871 մարդ: Յայտնի է նաեւ, որ երկրի բնակչութեան 92,3 տոկոսը կեդրոնացած է մեծ քաղաքներուն եւ նահանգներու կեդրոններուն մէջ, իսկ 7,7 տոկոսը՝ գիւղերուն մէջ: Թուրքիոյ գրեթէ 80 միլիոննոց բնակչութեան 18,5 տոկոսը կը բնակի երկրի տնտեսական եւ մշակութային կեդրոն նկատուող Պոլսոյ մէջ:

Փորձագետները կ'ենթադրեն, որ 2050-ին Թուրքիոյ բնակչութիւնը պիտի անցնի 95 միլիոնի սահմանը, սակայն 2058-էն սկսեալ անիկա պիտի սկսի նուազիլ: Կը սպասուի, որ արդէն 2100-ին Թուրքիոյ բնակչութիւնը հասնի 85 միլիոնի:

Ըստ զեկուցումին, կը սպասուի նաեւ, որ 2024-ին Հնդկաստանը իր ետին ձգելով Չինաստանը, պիտի դառնայ աշխարհի ամենէն շատ բնակչութիւն ունեցող երկիրը:

ԱՆԴՐԱԴԱՐՉ

Հայկական Կողմը Ի՛նք Կ՛իրականացնէ Վիեննայի Եւ Փեթերսպուրկի Որոշումները

Պուկարական թերթի մը կատարած փաստաթուղթերու գաղտնագրութեամբ, որ ի յայտ կը բերէր Պաքուէն կատարուած զենքի անօրինական վաճառքը, շեշտակիօրէն կ'ընդգծէր Պաքուի օժանդակութիւնը տարբեր երկիրներու մէջ գործող ահաբեկչական խումբերու:

Սուրիական դէպքերու ծաւալման սկզբնական շրջանին լուր հրապարակուեցաւ, որ իսլամ ահաբեկիչներուն Ազրպէյճանի իշխանութիւնը 500 միլիոն տոլար փոխանցած է: Այլ ժամանակ հրապարակուեցաւ նաեւ այն բացայայտումը, որ Կովկասէն իսլամականներուն միացող ահաբեկիչներու գործունէութիւնը կը համակարգուի Ալիեւի թիկնազօրի անդամներուն կողմէ:

Ազրպէյճանցի ահաբեկիչներու տարբեր երկիրներու մէջ պատերազմելու, վիրաւորուելու կամ սպաննուելու լուրերը առատ էին միջազգային մամուլին մէջ. զուգահեռաբար կար նաեւ այն վարկը, որ ազրպէյճանցի վարձկանները նոյնքան վտանգ են նաեւ Պաքուի կեդրոնական իշխանութիւններուն համար՝ տրամագծօրէն հակադրուած ըլլալով ալիեւեան վարչակարգին:

Հիմա այս վարկածը, որ որոշ ենթահող շահած էր եւ խորքին մէջ նաեւ կը պաշտպանէր Ալիեւի իշխանութիւնը ահաբեկչական տարագէ, կը շրջուի:

Բայց Պաքուի ահաբեկչական դիմագիծը հիմա չէ, որ աշխարհին կ'երեւի. կացինահարում, կացինահարողի հերոսացում, գործարքներով անոր արտայանձնման գործողութեան դաւադրական իրականացում, անզէն բնակչութեան ուղղութեամբ ռմբակոծում, գերեվարուած զինուորներու անդամահատում, վարժողական ծրագիր իրականացնող ինքնաթիռի խփում՝ այս բոլորը կը տեղաւորուին ահաբեկչական պետութեան սահմանումի ստորոգելիներու շարքին:

Ազրպէյճանի վերոնշեալ յանցաւոր գործունէութեան ցանկը ամբողջացնող երեւոյթը քանիերորդ անգամ ըլլալով արձանագրուեցաւ, երբ ֆիզիքական ու հոգեկան տկարութիւն ունեցող հայ անհատներ ձերբակալուեցան ու ներկայացուեցան աշխարհին իբրեւ ներթափանցման փորձ կատարած հայ զինուորներ՝ ընդգծելու համար Ազրպէյճանի ուժայիններուն «հերոսական» գործունէութիւնը:

Հիմա հայկական կողմին ուղղութեամբ կատարուած ահաբեկչական քայլերուն կ'աւելնան միջազգային երեւոյթներ, որոնք կը վերահաստատեն Պաքուի այս էութիւնը: Պաշտօնական Ստեփանակերտը այս առիթով կ'աւելցնէ նաեւ, որ Պաքուի մէջ կը բուժուին չէչէններ, աֆղաններ, գորշ գայլեր, ՏԱՀԵՇ-ականներ:

Պաքուի ահաբեկչական պետութիւն ըլլալու թղթածրարը բաւական հարստացած է. եւ եթէ ցարդ այս իրողութիւնը համոզում էր առաւելաբար պետութիւններու

համապատասխան ծառայություններուն համար, այս կարելուք բացայայտումներէն ետք այլեւս միջազգային հանրային կարծիքին համար բացորոշ է իրականութիւնը:

Քաղաքական իրատեսութիւնը կը յուշէ սակայն, որ քաղաքականացուած մեկնաբանութիւնները պետութեան մը ահաբեկչութեան գորակցելու փաստը հրապարակելու եւ իբրեւ անմիջական հետեւանք զայն մեկուսացնելու կամ համարժէք պատժամիջոցներ որդեգրելու անպայման բնական ընթացակարգի հիման վրայ չեն կատարուիր:

Միջինարեւելեան տարածաշրջանի պետութիւնները կամ գերտէրութիւնները մետասաներորդ պահուն յանկարծ չէ, որ անդրադարձան Քաթարին կողմէ ահաբեկչութեան նպաստած ըլլալու իրականութեան:

Կը թուի, որ պահը չէ հասունցած վերաբերումի կամ պատժամիջոցի ուղղութեամբ քայլեր առնելու Պաքուի նկատմամբ: Բայց թղթածրարը կը համալրուի եւ քաղաքականօրէն յարմար պահու մեկուսացման կամ պատժամիջոցներու կանաչ լոյս կը վառի:

Եւ պատահական չէ, որ Պաքուն միջազգային գայթակղութեան նախադրեալները պարփակող այս բացայայտումներուն դիմաց նախայարձակողականութեան նոր դրսեւորում կ'ունենար հայկական կողմին նկատմամբ: Նոյնքան պատահական չէ, որ կրակակէտը ազրպէյճանական գիւղէ ըլլար, որպէսզի զայն չէզոքացնող հայկական պատասխանին դիմաց Պաքուն վայնասուն ձգէր, թէ բնակավայրեր կը ոմբակոծուին հայկական կողմէն:

Հայկական կողմը ցոյց կու տայ հետեւողականութիւն. ընդ որում նաեւ միջազգային որոշումներու ու բանաձեւերու համահունչ հետեւողականութիւն:

Վիեննան ու Փեթերսպուրկը կը խօսին շփման գիծի երկայնքին մշտադիտարկման սարքերը հզօրացնելու, վերահսկողութեան գործիքակազմերը արդիականացնելու եւ նաեւ միջադէպերուն հետաքննութիւնը կատարելու մասին:

Պաքու հետեւողական վարքագիծով կ'արգելակէ թէ՛ Վիեննայի եւ թէ՛ Փեթերսպուրկի որոշումներուն իրականացման գործընթացը: Հայկական կողմը ռազմական արհեստագիտութեան յազմեցուածութեամբ այսօր ի վիճակի է հակառակորդի դիրքերուն խորերը դիտարկելու, նկարահանելու այնտեղի շարժումները, բացայայտելու նախայարձակողականութիւնը եւ հետաքննութեան եզրակացութենէն ետք նաեւ պատժելու:

Այս է, որ տեղի կ'ունենայ պարզապէս: Հայկական կողմը իրեն վերապահած է թէ՛ Վիեննայի եւ թէ՛ Փեթերսպուրկի որոշումներուն իրականացման պարտականութիւնը՝ տրուած ըլլալով, որ ահաբեկչական պետութիւնը կը շարունակէ արգելակել միջազգային որոշումներու գործնականացումը:

«Ա.»

Գերմանիոյ Մէջ Հարցախոյզի Մասնակիցներուն 45 Առ Հարիւրը Կ'ուզէ Վարչապետի Պաշտօնին Վրայ Դարձեալ Տեսնել Մերքելը



Գերմանիոյ Ընկերվար-Ժողովրդավարական կուսակցութիւնը քուէներ կը կորսնցնէ, երբ Անկէլա Մերքելի Քրիստոնեայ-Ժողովրդավարական միութիւնը կ'ամրապնդէ իր դիրքերը եւ նոյնիսկ կրնայ Ազատ-Ժողովրդավարական կուսակցութեան հետ համախմբական կառավարութիւն ակնկալել:

«Արմէնփրես» կը հաղորդէ, որ այդ մասին 21 Յունիսին գրած է գերմանական «Ֆրանքֆուրթըր Ալկըմայնէ Ցայթունկ» օրաթերթը՝ վկայակոչելով «Տեմոքրփիօ» հիմնարկին (Ալէնսպախ) կողմէ կատարուած հարցախոյզին տուեալները:

Եթէ Պունտըսթակի ընտրութիւնները կատարուէին անցեալ շաբաթ, ապա Քրիստոնեայ-Ժողովրդավարական միութիւն-Քրիստոնեայ-ընկերային միութիւն պահպանողականներու դաշինքը պիտի ստանար քուէներուն 40 առ հարիւրը, իսկ Ազատ-Ժողովրդավարական կուսակցութիւնը՝ 10,5 առ հարիւրը:

Նախորդ ամիսներուն համեմատութեամբ երկու քաղաքական ուժերուն վարկանիշերը աճ արձանագրած են, Անկէլա Մերքելի գլխաւորած դաշինքի վարկանիշը աճած է 3 առ հարիւրով, ազատականներունը՝ 1,5 առ հարիւրով: Ընկերվար-Ժողովրդավարները, ընդհակառակն, կորսնցուցած են երկու կէտ, այժմ անոնց ի նպաստ քուէարկելու պատրաստ է քուէարկողներուն 24 առ հարիւրը: Ատիկա աւելի վատ է, քան չորս տարի առաջ կատարուած ընտրութիւններուն ժամանակ, երբ անոնք ստացած էին ձայներուն 25,7 առ հարիւրը:

Հարցախոյզը նաեւ ցոյց տուած է, որ անոր մասնակիցներուն 45 առ հարիւրը կ'ուզէ, որ երկրի վարչապետ մնայ Անկէլա Մերքել, իսկ 20 առ հարիւրը կ'ուզէ կառավարութեան ղեկավար տեսնել Ընկերվար-Ժողովրդավարական կուսակցութեան ղեկավար Մարթին Շուլց:

Փետրուարին դասաւորումը բոլորովին այլ էր. օրին հետազօտութեան մասնակիցներուն 39 առ հարիւրը կ'աջակցէր Շուլցի, իսկ 26 առ հարիւրը՝ Մերքելի:

Ուսումնասիրութեան տուեալներուն համաձայն, գերմանացիներուն մեծամասնութիւնը չի հաւատար Ընկերվար-Ժողովրդավարական կուսակցութեան քաղաքականութեան արդիւնաւետութեան:

ԱԿՆԱԼԿ

Ագրպեյճան Կը Վարձէ Լոպիխտական Եւ PR-ի Չորս Ընկերութիւններ

Թուրքիոյ կառավարութեան վարձած լոպիխտական եւ PR-ի ընկերութիւնները բացայայտելէ ետք, այժմ կը տեղեկացնեն Ագրպեյճանի վարձած չորս համանման ընկերութիւններուն մասին:



Դիտարկելով արտաքին քաղաքականութեան հանդէպ Ագրպեյճանի նենգամիտ մօտեցումները՝ նկատեցի հետեւեալ պատկերը.

1) Ինչպիսի գործողութիւններու ալ ձեռնարկեն ամերիկահայերը՝ իրենց հարցերու լուծման համար, Ագրպեյճան կը ձգտի նմանակել զանոնք եւ հակազդել անոնց՝ Միացեալ Նահանգներու մէջ իր վարձու ընկերութիւններուն միջոցով: Նախագահ Ալիեւ 2013 թուականի իր ելոյթին մէջ յայտարարեց, որ Ագրպեյճանի «հիմնական թշնամին հայկական լոպին է»: Ան նաեւ նշեց, որ «հայկական լոպին օր ու գիշեր կը փորձէ զրպարտել Ագրպեյճանը, վարկաբեկել անոր հեղինակութիւնը: Անոնք նիւթական մեծ աղբիւրներ ունին: Անոնք սերտօրէն կապուած են իշխանութիւններուն հետ՝ իրենց երկիրներուն, ուր «լոպինկ»-ի անուան տակ նուիրատուութիւններ կ'ընեն օրէնսդիրներուն: Բայց, իրականութեան մէջ, այդ կաշառք է: Այսպիսով, հայկական լոպին մեր դէմ կազմակերպուած պայքարի յառաջատարն է»: Իր քննադատական ծաւալուն ճառին մէջ, Ալիեւ անարդարօրէն հայերուն վերագրեց՝ կաշառելու հետեւողական արշաւը, ամբողջ աշխարհի տարածքին, բան մը, որ կ'իրականացուի իր իսկ կառավարութեան կողմէ:

2) Ագրպեյճան կը հետեւի Թուրքիոյ աւելի փորձառու պաշտօնեաներու քայլերուն՝ Հայաստանի եւ հայկական հարցերու վերաբերեալ իր քաղաքականութեան մէջ, ներառեալ՝ Հայոց ցեղասպանութեան ժխտումը եւ Ագրպեյճանի ու Թուրքիոյ կողմէ կատարուած յանցագործութիւններու համար հայերուն մեղադրելը: Ցաւօք, Ագրպեյճան նաեւ կը նմանակէ Թուրքիան՝ իր սեփական քաղաքացիները ճնշելու հարցով, դժուարացնելով որոշել, թէ այս երկու երկիրներէն ո՞ր մէկը աւելի բռնատիրական է:

3) Ընդունելով, որ մարդկային իրաւունքներու խախտումներու պատճառով իր դէմքը վարկաբեկուած է Արեւմուտքի մէջ, Ագրպեյճանի կառավարութիւնը վարձած է PR-ի եւ լոպիխտական ընկերութիւններ՝ իր բացասական հեղինակութիւնը մաքրելու համար: Պետք էր ակնկալել, որ եթէ վարչակարգը այդքան մտահոգ է արտասահմանի մէջ իր վատ համբաւով, ան գէթ իր երկրին մէջ պիտի բարելաւէր մարդկային իրաւունքներու դաշտը, ուստի անհրաժեշտ չէր ըլլար միլիոնաւոր տոլարներ վատնել ամերիկեան ընկերութիւններու վրայ՝ իր պատկերի մաքրման անհնարին գործը իրականացնելու համար: Ալիեւ, 2013 թուականի իր ելոյթին մէջ, բաղձանքը շփոթելով իրականութեան հետ, Ագրպեյճանը նկարագրեց իբրեւ «ժամանակակից, յառաջադէմ, բաց, հանդուրժողական երկիր»: Ո՞վ կրնայ խաբուիլ նման բացայայտ սուտերով:

Ագրպեյճանի կառավարութիւնը տարիներ շարունակ վարձած է տասնեակ PR եւ լոպիխտական ընկերութիւններ, սակայն այս պահուս անոր համար կ'աշխատին նմանօրինակ չորս ընկերութիւններ:

1) Ագրպեյճան ամսական 45 հազար տոլար կը վճարէ Փոտեսթա կրուփ, ինկ.-ի՝ «[Ագրպեյճանի] վերաբերող հարցերու ուսումնասիրութեան եւ վերլուծութեան համար. խորհրդատուութիւն [Ագրպեյճանի]՝ Միացեալ Նահանգներու քաղաքականութեան վերաբերեալ, գործունէութիւն Քոնկրետի եւ գործադիր ճիւղի մէջ եւ, ընդհանուր առմամբ, Միացեալ Նահանգներու քաղաքական դաշտէն ներս տեղի ունեցող զարգացումներու վերաբերեալ.՝ անհրաժեշտութեան պարագային կապերու հաստատում»

Քոնկրետի անդամներու, անոնց աշխատակազմերու եւ գործադիր ճիւղի պաշտօնեաներու, լրատուական միջոցներու եւ հասարակական կազմակերպութիւններու հետ»:

2) ՍՈԳԱՐ ԵՈՒ. ԷՍ. ԷՅ.-ը (Ագրպէճանի պետական քարիւղի ընկերութեան Միացեալ Նահանգներու դուստր ձեռնարկութիւնը) Ռոպերթի Ուայթ ՄՊԸ-ին կը վճարէ 125 հազար տոլար՝ «[Ագրպէճանի] վերաբերող հարցերու ուսումնասիրութեան եւ վերլուծութեան համար. խորհրդատուութիւն [Ագրպէճանի] Միացեալ Նահանգներու քաղաքականութեան վերաբերեալ՝ գործունէութիւն Քոնկրետի եւ գործադիր ճիւղի մէջ եւ, ընդհանուր առմամբ, Միացեալ Նահանգներու քաղաքական դաշտէն ներս տեղի ունեցող զարգացումներու վերաբերեալ. անհրաժեշտութեան պարագային կապերու հաստատում՝ Քոնկրետի անդամներու, անոնց աշխատակազմերու եւ գործադիր ճիւղի պաշտօնեաներու, լրատուական միջոցներու եւ հասարակական կազմակերպութիւններու հետ»: Զարմանալի չէ, որ Ռոպերթի Ուայթ-ի կատարած գործառնայթերը ՍՈԳԱՐ ԵՈՒ. ԷՍ. ԷՅ.-ի համար նոյնն են, ինչ որ Փոտեսթա կրուփ, ինկ.-ինը՝ Ագրպէճանի կառավարութեան համար:



3) Ուաշինկթընի մէջ Ագրպէճանի դեսպանատունը ամսական 50 հազար տոլար կը վճարէ BGR Government Affairs ՄՊԸ-ին՝ «ռազմավարական ուղղորդում եւ խորհրդատուութիւն տրամադրելու համար պետական գործերու եւ PR գործունէութեան առնչութեամբ Միացեալ Նահանգներու մէջ: Այս է պէտք եղած մօտեցումը՝ Միացեալ Նահանգներու կառավարութեան պաշտօնատար անձերու, հասարակական կազմակերպութիւններու, լրատուական միջոցներու ներկայացուցիչներու եւ այլ անհատներու, Միացեալ Նահանգներու մէջ»:

4) Լոս Անճելըսի մէջ գտնուող Ագրպէճանի հիւպատոսութիւնը, 2009 թուականին չորս ամիս ժամկետով, միանուագ 35 հազար տոլար վճարելով, վարձած է Tool Shed Group ընկերութիւնը, որուն գլխաւոր գրասենեակը նախապէս կը գտնուէր Վուսլէնտ Հիլզի մէջ, Քալիֆորնիա, իսկ այժմ՝ Փարքըրի մէջ, Քոլորադո: Tool Shed Group-ը ներկայիս նաեւ կը ներկայացնէ Ագրպէճանի Հանրապետութիւնը: Այդ ժամանակէն ի վեր պայմանագիրը կը նորոգուի վեց ամիսը անգամ մը: Tool Shed-ը կը ղեկավարէ Ճէյսըն Քաց՝ Ամերիկայի հրեական կոմիտէի հասարակայնութեան հետ կապերու նախկին տնօրէնը: Tool Shed «խորհրդատուական ծառայութիւններ կը տրամադրէ հիւպատոսութեան, ներառեալ ճեպագրոյցներու եւ դասախօսութիւններու կազմակերպում, հանդիպումներու դիրացում՝ համայնքի անդամներու, ընտրուած եւ նշանակուի պաշտօնեաներու, ձեռնարկութիւններու ղեկավարներու հետ, ինչպէս նաեւ՝ «հեղինակային կարծիքներու» շարադրում եւ տարածում»:

Վերջերս Լոս Անճելըսի մէջ Ագրպէճանի գլխաւոր հիւպատոսութիւնը «Լեռնային Ղարաբաղ. պատմութիւն եւ փաստեր» խորագիրով գունաւոր գրքոյկ մը տարածեց Լոս Անճելըսի մէջ գտնուող բոլոր հիւպատոսութիւններուն եւ, հաւանաբար, շատ ուրիշներու: Այս 16 էջնոց քարոզչական նիւթը, լեցուն՝ Արցախի մասին խեղաթիւրումներով, ամենայն հաւանականութեամբ պատրաստուած էր Ագրպէճանի եւ անոր հիւպատոսութեան PR-ի եւ լոպիստական ընկերութեան՝ Tool Shed Group-ի կողմէ: 16-րդ էջի վերջաւորութեան նշուած է՝ «Հրատարակուած է Ագրպէճանի հիւպատոսութեան կողմէ, Լոս Անճելըսի մէջ»: Հետաքրքրական է, որ այս նախադասութեան մէջ նշուած չէ, թէ ո՞վ պատրաստած է գրքոյկը, այլ, պարզապէս, թէ ո՞վ հրատարակած է զայն...

ՅԱՐՈՒԹ ՍԱՍՈՒՆԵԱՆ
*«Քալիֆորնիա Քուրիըր» թերթի
հրատարակիչ եւ խմբագիր*

www.aztagdaily.com

ՄՆԴԱԳԻՏԱԿԱՆ

Վնասակար Մթերք Երեխային Համար

Եթե կը փափաքինք, որ մեր զուակները ըլլան առողջ, անհրաժեշտ է, որ անոնք սնանին ճիշդ ձևով եւ հեռու մնան կարգ մը վնասակար ուտելիքներէ:

Կան մթերքներ, որոնք պէտք է դուրս մնան երեխային ճաշացուցակէն. անոնց կարգին են՝



– Շուկայէն գնուած կարկանդակները, յատկապէս սերով տեսակները: Հետագոտութիւններ ցոյց տուած են, որ այդ կարկանդակները մեծ քանակութեամբ ճարպեր եւ շաքարաւազ կը պարունակեն:

– Քաղցր մածունները, որոնք թե՛ արհեստական ներկեր, թե՛ պահպանիչներ եւ թե՛ շաքար կը պարունակեն:

– Ապխտացած, վերամշակուած միս, ինչպէս՝ երշիկ, նրբերշիկ, մորթատէլ եւ այլն... Ասոնք եւս ճարպեր եւ սննդային յաւելումներ պարունակող վնասակար մթերքներ են:



– Փոփ քոնը: Եգիպտացորենը շատ օգտակար է բոլորին, սակայն անհիկա յանձնարարելի չէ երեխաներուն, քանի մը դարձեալ մեծ քանակութեամբ իւղ կը պարունակէ:



– Ծրարուած, տուփերու կամ շիշերու մէջ վաճառուող հիւթերը: Շատեր չեն գիտեր, որ այդ հիւթերը որքա՛ն արուեստական նիւթեր կը պարունակեն, բայց մանաւանդ՝ 6-7 դգալ շաքարաւազի համագօր շաքար: Իսկ մենք շատ լաւ գիտենք, թէ շաքարը որքա՛ն վնասակար է երեխաներուն ակոսներուն:

– Սիւսեթներն ու ձելօ շաքարները, որոնք թե՛ իրենց գոյներով եւ թե՛ գուարճալի տեսքով կը հմայեն երեխաները:

վնասակար տարբերակներով՝ տունը պատրաստուած կարկանդակով, թարմ պտուղի հիւթով, պտուղով, թարմ պտուղներով ճոխացուած մածունով, թարմ եգիպտացորենով եւ այլն...



www.armenianprelacykw.org

ԱՅԼԱԶԱՆ

Կեռասն Ու Խնձորը Գիրութեան Դեմ

Ո՞վ ըսաւ, որ բոլոր աղանդերները պատճառ կը դառնան գիրութեան: Ան, ով որ այս հաստատումը կ'ընէ, նկատի չէ առած կարմիր գոյնի պտուղի տեսակները, ի մասնաւորի՝ խնձորն ու կեռասը:



Ըստ վերջին գիտական ուսումնասիրութիւններուն, խնձորն ու կեռասը ոչ միայն գիրութիւն չեն պատճառեր, այլեւ կը պաշտպանեն մարմինը գիրութենէն, կամ կը կանխեն գիրութիւնը, որ ծանօթ է «Ախտանշանային փոխարկութիւն» (Metabolic Syndrome) անունով:

Օրական Մէկ Խնձորը Կը Պաշտպանէ Սրտանօթային Հարցերէ

Արդեօք գիտնականները յայտնութիւն մը կատարած են կեռասին եւ խնձորին՝ գիրութեան բարդութիւններուն դեմ պայքարելու դերին առնչութեամբ: Պատասխանը այո է: Անոնք փաստած են, որ կեռասն ու խնձորը ոչ միայն կը նուազեցնեն գիրութիւնը, այլեւ կը կանխեն զանազան հիւանդութիւններ, ինչպէս սրտանօթային հարցերը եւ շաքարախտը, որոնք անմիջական առնչութիւն ունին գիրութեան հետ:

Գիտնականները այս եզրակացութեան յանգած են փորձարկութիւններ կատարելով երկու խմբակի չափահասներու վրայ: Առաջին խմբակի չափահասները օրինաւոր ձեւով խնձոր սպառողներն են, իսկ երկրորդ խմբակի չափահասները երբեք խնձոր չսպառողներն են: Առաջին խմբակին մօտ ի յայտ եկած է, որ «Ախտանշանային փոխարկութիւն» ունենալու տոկոսը 27 առ հարիւրով նուազած է՝ բաղդատած երկրորդ խմբակին:

Խնձորի սպառումը կը նուազեցնէ սրտանօթային ճնշումը 30 առ հարիւրով, ինչպէս նաեւ 20 առ հարիւր կամ աւելի տոկոսով կը նուազեցնէ մէջքի չափը, որ գործօն մըն է սրտանօթային հիւանդութեան, յառաջացման մէջ:

Միւս կողմէ, ան, ով որ մեծ քանակութեամբ խնձոր կը սպառէ, անոր մօտ կը նուազի սպիտի (protein) եւ կենսանիւթ ՄԷ-ի քանակը:

Մէկ խնձորը ինչպէ՞ս կրնայ կանխարգիլել առողջութեան սպառնացող վտանգը: Այդ ազդեցութիւնը կ'ըլլայ անուղղակի ձեւով: Ազդեցութիւնը մեծ է ի մասնաւորի այն անհատներու մօտ, որոնք ընդհանրապէս կը հետեւին առողջ եւ հաւասարակշռուած սննդականոնի, որ հարուստ է պտուղով, բնաթելով, կենսանիւթով, քալսիոմով եւ փոթասիոմով, սակայն աղքատ է վնասակար ճարպով եւ շաքարով:

Կեռասի Օգուտը

Գիտնականներ նաեւ կատարած են ուսումնասիրութիւններ՝ կեռասին օգտակարութիւնը ու մարմնին վրայ անոր դրական ազդեցութիւնը յայտնաբերելու համար: Անոնք նկատեցին, որ կեռասին օրական սպառումը, առողջ եւ քիչ ճարպ պարունակող սննդականոնի կողքին, կը նուազեցնէ սրտանօթային հիւանդութիւն ունենալու հաւանականութիւնը: Այս

ուսումնասիրությունը անոնք կատարած են մուկերու վրայ՝ որոնք ժառանգական տուեալներով բարձր հաւանականութիւն ունին նմանօրինակ հիւանդութիւն ունենալու:

Իրենց ուսումնասիրությունը աւելի յառաջ տանելով՝ գիտնականներ ուսումնասիրություն կատարեցին գիրնալու հաւանականութիւն ունեցող մուկերու վրայ՝ անոնց օրական հերթականութեամբ տալով մեկուկէս գաւաթ կեռասի փոշի, ճարպով հարուստ ուտելիքի կողքին: Արդիւնքը եղաւ այն, որ հակառակ 90 օր ճարպով հարուստ ուտելիք սպառելուն, մուկերը ոչ միայն գիրութեան նշաններ ցոյց չտուին, այլեւ ճարպին քանակը նուազեցաւ անոնց մօտ: Նուազեցան նաեւ քոլէսթերոլին, թրիկլիստերիտին եւ կլիբոզին քանակները անոնց արեան մէջ: Միւս կողմէ, TNF-Alpha-ի եւ Interleukine

6-ի չափանիշները քննելով՝ ի յայտ եկաւ, որ կեռասը ունի տուեալ մը եւս՝ բորբոքումներու դէմ դնելու յատկութիւնը:

«Քիփ Տը Փրոմիս» Ապարանջաններուն Հասոյթը՝ Հայ Կարիքաւոր Ընտանիքներուն

Անցեալ թիւով անդրադարձանք աշխարհի մեծահարուստ հայուհի, ամերիկեան «Ալէքս Էնտ Անի» ոսկերչական վաճառանիշի հիմնադիր Քարոլին Ռաֆայէլեանին:



Օրին նաեւ յիշեցինք, որ ան հրապարակ իջեցուած է «Քիփ տը փրոմիս» ապարանջաններ: «Հայաստան» համահայկական հիմնադրամի աղբիւրներուն համաձայն, ապարանջաններուն վաճառքէն գոյացած հասոյթը պիտի տրամադրուի հայ կարիքաւոր ընտանիքներուն:

Կրելով ապարանջանը՝ կը կրէք նաեւ պատասխանատուութիւն եւ կ'օգնէք կարիքաւոր բազմաթիւ ընտանիքներու», կը յայտնեն նոյն աղբիւրները՝ աւելցնելով, որ ապարանջանը «Հայաստան» համահայկական հիմնադրամի եւ «Ալէքս Էնտ Անի» ամերիկեան ընկերութեան համագործակցութեան արդիւնքն է:

Քարոլին Ռաֆայէլեան առաջին անգամը չէ, որ կը գործակցի «Հայաստան» հիմնադրամին հետ. ան տարբեր ծրագրերու իրագործման համար իր սիրալոյսով մասնակցութիւնը բերած է:

2015-էն սկսեալ «Ալէքս Էնտ Անի» ընկերութիւնը հրապարակ իջեցուցած է «Քեմփ Հայաստան» ապարանջաններ, որոնց վաճառքէն գոյացած եկամուտը կը յատկացուի Միացեալ Նահանգներու հայ երեխաներու համար կրթական ձամբարներու կազմակերպման:

www.kantsasar.com